


Kab Mob Bacteria nyob hauv Cov Qhov Dej



Kev kuaj kab mob yog saib txog cov cim ntawm cov kab mob bacteria thiab virus uas ua tau raug tib neeg mob.

- **Total Coliform** yog ib pawg kab mob bacteria uas kheev pom muaj nyob hauv tej nroj tsuag los yog xyooob ntoo. **Thaum muaj cov kab mob total coliform nyob ntawd**, tej zaum yuav yog lub qhov dej paug tau tus mob los ntawm cov av los yog quav.
- **E. coli** yog ib hom kab mob bacteria uas muaj nyob hauv tus tsiaj cov plab hnyuv. **Thaum muaj E. coli nyob ntawd**, tej zaum yuav yog lub qhov dej paug tau tus mob los ntawm tib neeg los yog tsiaj cov quav.

Cov qhov dej kuj yuav kis tau cov kab mob bacteria thaum khawb lub qhov dej, yog hais tias tsis ua zoo, los yog hais tias nws muaj tsiaj los yog neeg tej quav nyob ze.



Kuaj Koj Lub Qhov Dej Ib Xyooob Ib Zaug

Kuaj kiag tam sid yog hais tias koj cov dej pauv **xim**, **haus tsis hnov qab**, los yog **tsw tus ntxhiab**.

<p>Tsis Muaj Total Coliform Nyob Ntawd Tsis Muaj E. coli Nyob Ntawd</p>	<p>Muaj Total Coliform Nyob Ntawd Tsis Muaj E. coli Nyob Ntawd</p>	<p>Muaj Total Coliform Nyob Ntawd Muaj E. coli Nyob Ntawd</p>
<p>Koj haus tau cov dej.</p>	<p>Tsis txhob haus cov dej.</p>	<p>Tsis txhob haus cov dej.</p>
<p>Koj siv tau cov dej los ua noj.</p>	<p>Tsis txhob siv cov dej los ua noj.</p>	<p>Tsis txhob siv cov dej los ua noj.</p>
<p>Koj siv tau cov dej los da.</p>	<p>Koj siv tau cov dej los da.</p>	<p>Ceev faj thaum da dej. Tsis txhob cia me nyuam haus cov dej. Tsis txhob siv yog hnov cov dej tsw tus ntxhiab li quav chiv los yog cov them <i>E. coli</i> siab heev.</p>

Phab ntawv tom ntej muaj cov kauj ruam uas koj yuav tau ua kom raws yog muaj cov kab mob bacteria nyob hauv koj lub qhov dej

WISCONSIN DEPARTMENT OF HEALTH SERVICES

Division of Public Health | Bureau of Environmental and Occupational Health

www.dhs.wisconsin.gov/eh | dhsenvhealth@wi.gov

P-02132H (05/2018)



Cov kauj ruam uas yuav tau ua yog tias koj lub qhov dej muaj kab mob bacteria:



1. Tsis txhob haus cov dej

- Tsis txhob siv cov dej los haus, ua zaub mov noj, txhuam hniav, los yog siv ntxuav me nyuam mos liab.
- Tsis txhob siv cov dej nyob hauv koj lub tub yees los yog lwm cov cuab yeej rau dej (piv txwv li, lub tshuab rau dej khov) uas yog muaj cov dej hauv lub qhov dej los.
- Muab koj cov dej uas yog muab hauv lub qhov dej los nchuav pov tseg.



2. Siv cov dej uas muab hauv ib qhov chaw huv los

Cov dej nyob hauv cov chaw huv: dej ntim hauv hwj los yog poom, cov dej muab los ntawm cov qhov dej uas tsis muaj teeb meem kab mob bacteria, dej ntawm tus kav dej uas koj muab rhaub ntev li ib feeb (minute) (tshwj tias yog koj muaj tej yam tshuaj nyob hauv koj cov dej xws li nitrate los yog arsenic).

- Siv cov dej huv los haus, ua zaub ua mov noj, ntxuav txiv hmab txiv ntoo thiab zaub, txhuam hniav, thiab ntxuav me nyuam mos liab.
- Siv tib yam dej huv no rau koj cov tsiaj. Hu rau koj tus kws kho tsiaj kom muab tswv yim pab.



3. Muab ib qho dej coj mus kuaj

- Muab ib qho dej coj mus kuaj kom paub tseeb seb puas kuaj tau kab mob.
- Ua kom paub tseeb tias koj siv [tus txheej txheem muab dej coj mus kuaj](#) yog lawm.
- Yog qhov dej uas coj mus kuaj ntawd qhia tias koj lub qhov dej muaj cov kab mob bacteria, ua raws nraim li cov kauj ruam 4 txog 6.



4. Siv tshuaj los tua kab mob rau koj lub qhov dej

- Kuaj xyuas koj lub qhov dej thiab ib cheeb tsam ncig ze ntawd seb puas muaj tej qhov uas ua rau muaj kab mob xws li dej nyab, dej (septic) xau, los yog muaj quav tsiaj.
- Kom ib [tus kws tshau qhov dej uas muaj ntawv pov thawj los yog ib tus kws nruab tshuab nqus dej](#) tuaj tua kab mob rau koj lub qhov dej.
- Rov qab kuaj koj lub qhov dej dua li ib lim piam tom qab tua kab mob rau tas.



5. Nxhuav cov tais diav kom zoo

- Siv qhov tig kom dej qhuav los yog tig kom ntxuav kom huv nyob ntawm koj lub tshuab ntxuav tais diav.
- Yog yuav siv tes ntxuav:
 - Siv xab npum thiab dej los ntxuav li ib txwm ua los.
 - Siv cov dej huv los yaug.
 - Do ib cov dej ua tshuaj ntxuav: muab ib diav me bleach (teaspoon) xyaw ib taub dej (gallon).
 - Muab cov tais diav tsau cov dej ua tshuaj kom ntev tsawg kawg ib feeb (minute).
 - Cia kom cov tais diav qhuav kom zoo.
- Rov qab kuaj koj cov dej txhua txhia rau lub hlis kom paub tseeb tias qhov koj siv tshuaj tua kab mob rau lub qhov dej ua hauj lwm.
- Yog qhov siv tshuaj tua kab mob tsis ua hauj lwm:
 - Kom ib [tus kws tshau qhov dej uas muaj ntawv pov thawj los yog ib tus kws nruab tshuab nqus dej](#) tuaj kuaj xyuas koj lub qhov dej.
 - Xav txog qhov [hloov koj lub qhov dej tshiab](#) los yog teeb ib [yam cuab yeej lim dej uas muaj ntawv pov thawj](#).



6. Saib xyuas koj lub qhov dej kom zoo

Tham nrog koj tus kws kho mob yog koj muaj lus txhawj xeeb txog ib yam mob dab tsi

los yog hais tias koj los yog ib tus neeg hauv koj tsev neeg raws plab, xeev siab, ntuav, mob li ntswj, los yog ua npaws kub ib ce uas koj ntseeg tias yog ntsig txog koj lub qhov dej.

Yog xav paub ntxiv txog kev haus cov dej huv, mus saib DHS [phab ntawv hais txog dej](#).

Yog xav paub ntxiv txog kev khawb ib lub qhov dej thiab lwm cov lus qhia txog cov dej huv, mus siab DNR [phab ntawv hais txog qhov dej](#).